

AMORE

*Che bèò sentirseo dire magari tuti i dì
e proprio da chi e da tanto no te o diseva pì*

*Quando che i ani passa no xe che tuto more,
el ben che te ghe dentro el te resta dento al core.*

*E te ciapa na tremarea e te te sinti sfogonare,
la testa che te gira te pare de sognare.*

*Stà paroeta magica xe come on elisir
no te se cossa rispondere no te se pì cossa dir.*

*Uno che te ciama amore te se cossa che el voe,
no te poi dirghe de no senò sto qua el se a toe.*

*Ma se questo te o conossi o te o ghe anca maridà
No sta ver tanta pressa doman el xe ancora qua.*

*E se nol te ciama amore magari tuti i dì
xe parchè el sà che el speta che te ghe o disi proprio tì.*